



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU **ZELENIH BOSNE I HERCEGOVINE**

Broj: 09-07-6-1155/07
Sarajevo, 24. april 2008. godine

SADRŽAJ:

	MIŠLJENJE REVIZORA	3
4	1. UVOD	
	2. PREDSTAVLJANJE POLITIČKE STRANKE	4
	3. OPIS PREGLEDA I KANCELARIJSKE REVIZIJE	5
	Predmet kancelarijske revizije	5
	Cilj kancelarijske revizije.....	5
	Obim kancelarijske revizije	5
5	4. PRETHODNE REVIZIJE.....	
	5. NALAZI KANCELARIJSKE REVIZIJE I PREPORUKE	5
	5.1. NALAZI	5
	5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja **Zelenih Bosne i Hercegovine** i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Zeleni Bosne i Hercegovine su prekršili odredbe člana 5. stav 1. Zakona o finansiranju političkih stranaka. Primili su prilog iz inostranstva koji je veći od zakonom dozvoljenog limita za iznos od 10.469,68 KM.**
- 2. Stranka nije ispoštovala odredbe člana 11. stav 3. Zakona o finansiranju političkih stranaka jer u finansijskom izvještaju nije iskazala prihod iz budžeta u iznosu od 5.138,12 KM**

Na osnovu našeg pregleda, odnosno kancelarijske revizije finansijskog izvještaja, osim gornjih napomena pod 1. i 2. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Zelenih Bosne i Hercegovine i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Zeleni Bosne i Hercegovine je iskazala prihode u iznosu od 16.157,68 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0	
2	Prilozi fizičkih lica	0	
3	Prilozi pravnih lica	15.158	9381%
4	Prihodi od imovine	0	
5	Prihodi od pr.lica	0	
6	Prihodi od poklona	0	
7	Prihodi iz budžeta	1.000	619%
	Ukupni prihodi:	16.158	10000%

U godišnjem finansijskom izvještaju politička stranka Zeleni Bosne i Hercegovine je iskazala ukupne rashode u iznosu 16.161,09 KM.

2. PREDSTAVLJANJE POLITIČKE STRANKE

Naziv političke stranke: Zeleni Bosne i Hercegovine. Skraćeni naziv je Zeleni BiH.

Politička stranka Zeleni BiH je registrovana 13.04.2004. godine kod Kantonalnog suda u Zenici pod brojem R-IV-1/04.

Sjedište političke stranke je u Zenici, Fra Ivana Jukića broj 1.

Za zastupanje stranke ovlašteni su Hasan Delić, predsjednik, Hasan Omerdić, zamjenik predsjednika i Šekib Sokolović podpredsjednik stranke. Osoba ovlaštena za podnošenje finansijskih izvještaja za 2006. godinu je Enisa Spahić.

Organizacionu strukturu stranke Zeleni BiH čine:

- Glavni odbor

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj političke stranke Zeleni BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li su Zeleni BiH u izvještajnom periodu postupali u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

Obim kancelarijske revizije finansijskih izvještaja Zelenih BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

4. PRETHODNE REVIZIJE

Izvršen je pregled godišnjeg finansijskog izvještaja Zelenih BiH za 2005. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 5. stav 1. Zakona o finansiranju političkih stranaka.

Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI KANCELARIJSKE REVIZIJE I PREPORUKE

5.1. NALAZI

- a) Na osnovu obavljene kancelarijske revizije godišnjeg finansijskog izvještaja utvrđeno je da su Zeleni BiH prekršili odredbe člana 5. stav 1. Zakona o finansiranju političkih stranaka.¹

U toku 2006. godine stranka je primila prilog iz inostranstva od DIE GRÜENE ALTERNATIVE u iznosu od 15.157,68 KM, što premašuje dozvoljeni limit za iznos 10.469,68 KM.

- b) Stranka je prekršila odredbe člana 11. 3. Zakona o finansiranju političkih stranaka.

Politička stranka u finansijskom izvještaju za nije iskazala prihod iz budžeta u iznosu od 5.138,12 KM.

5.2. P R E P O R U K E :

Političkoj stranci Zeleni Bosne i Hercegovine se preporučuje da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *Da treba postupati u skladu sa odredbama člana 5. stav 1. Zakona o finansiranju političkih stranaka*
- *Da finansijske izvještaje treba popunjavati u skladu sa odredbama člana 11. stav 3. Zakona o finansiranju političkih stranaka i Pravilnikom o godišnjim finansijskim izvještajima političkih stranaka.*

Troškovi predizborne kampanje

Zeleni BiH su postupili u skladu sa odredbama člana 15.10 Izbornog zakona BiH, odnosno u svrhu izborne kampanje su potrošili 4.109,91 KM.

¹ Ukupan iznos jednokratnog priloga pravnih i fizičkih lica ne smije da premaši osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije da se dodjeljuje više od jednom godišnje. Maksimalan iznos priloga pravnih i fizičkih lica u 2006. godini može iznositi 4.688,00 KM

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH Zeleni BiH su mogli potrošiti 637.784,60 KM.

Komentar

Politička stranka Zeleni BiH se aktom od 13.03.2008. godine očitovala na preliminarni Izvještaj o pregledu godišnjeg finansijskog izvještaja za 2006.godinu, ističući da nije primila prilog iznad zakonom dozvoljenog limita i da sredstva u iznosu od 7.750,00 eura DIE GRÜENE ALTERNATIVE nije uplatila stranci, već je direktno u ime stranke uplatila taksu za ovjeru za Opšte izbore 2006. godine. Primjedba nije osnovana, te nije uticala na raniji nalaz revizije.

Zeleni BiH nakon što im je dostavljen Preliminarni izvještaj o pregledu godišnjeg finansijskog izvještaja za 2006. godinu djelimično su otklonili nedostatke, odnosno 28.03.2008. godine su dostavili finansijski izvještaj za kalendarsku 2006. godinu i dodatnu finansijsku dokumentaciju iz koje je utvrđeno da ova politička stranka u finansijskom izvještaju nije iskazala prihod iz budžeta u iznosu od 5.138,12 KM.

Hasida Gušić, šef Službe za reviziju - revizor

² Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.